

**Givi Bolotashvili**

Doctor of History, Professor,  
Member of Parliament of Georgia in 1999-2004

## **ASYMMETRY OF TOLERANCE**

(Abstract)

**KEYWORDS:** Fundamentalism, Tolerance, Tyranny, Conflict, Moral Values, Freedom, Politics

The oppression of Muslims by Western states is often pointed out as the alleged motive for Islamic fundamentalism. Still, the reason behind it is the desire of the societies in Islamic countries. Let me give you a recent example. When King Abdallah proposed allowing women to drive in Saudi Arabia, his subjects fiercely protested, leading the monarch to withdraw from this progressive change. According to Sam Harris, an American philosopher and religious scholar, today the only barrier between us and the turbulent sea of Islamic misunderstanding is tyranny and violation of human rights.

Each society has its own set of moral values. The choice depends on many factors, including political and economic stability, the quality of education, and the level of social equality. People will always find excuses to justify their bad behaviour and mistreat others. The moral index increases proportionally to the development of people and the societies they create. Sam Harris offers a little mental experiment, and imagine New York City in 1862, when gang fights took place right in the streets of the Big

Apple. From a modern perspective, such a city is viewed as a barbarian settlement. Yet, we are still discussing New York City and its enduring image of success. As Islam is incompatible with civil society, Harris suggests that it is the main reason why fundamentalists find it hard to agree on constructive dialogue. American philosopher believes that Islam will not cease its constant war against the West in all forms and possibilities until Muslims make a benevolent ideology out of their faith, or until they renounce it altogether.

The arguments offered by Slavoj Žižek, Sam Harris, Oriana Fallaci, or Alain Finkielkraut do not sound convincing enough. It is unacceptable to consider the growing religious self-awareness as the only source of conflicts in the modern world. Such a point of view should be reconsidered, as the problem of religious fundamentalism, in my opinion, is quite exaggerated in the West. The phenomenon of Islamic fundamentalism cannot be taken as proof of the revival of Islam. Technically, no country of Muslim culture has achieved either the economic or political success they hoped for and has not become a serious rival to the West.

The Eastern understanding of freedom differs from the Western concept of liberty, in which freedom implies the protection of individual human rights from the state. According to Islam, freedom means the willingness to obey the will of Allah. The Islamic understanding of freedom is one of the reasons that allows the terrorists to turn death into an absolute weapon, an effective means of attacking the West. Therefore, “death by

death” is considered to be the highest level of freedom. National Geographic quoted Osama bin Laden as saying: “This place may be bombed and we will be killed. We love death. The U.S. loves life. That is the big difference between us.” There is nothing personal about terrorist suicides. This is not heroism but a sacred step taken by a Muslim fundamentalist for an idea.

The imbalance between the East and West must be taken into account at all times: The West is only slightly profitable. If a clash of civilisations becomes inevitable, the West will hope for a certain advantage due to its weaponisation and wealth. However, the United States should not forget the facts from world history: Wealth failed to save European empires from collapse. Moreover, military power could not prevent the heavily armed Soviet Union from surviving, and its repercussions continue to resonate today. The incomparable Roman Empire, which remains the world’s strongest and largest one, lost the final battle against the physically vulnerable and weak Christians.

Political analyst Patrick Buchanan, who served as a special adviser to three American presidents—Richard Nixon, Gerald Ford, and Ronald Reagan—grounds his judgment in historical outcomes and analogies. He concludes that ideas, principles, and ideologies are the only true enemies that must be defeated.

## ტოლერანტობის ასიმეტრიულობა

საკვანძო სიტყვები: ფუნდამენტალიზმი, ტოლერანტობა, ტირანია, კონფლიქტი, მორალური ღირებულებები, თავისუფლება

უღმერთო ზნეობრივი ნიჰილიზმის თაობაზე ჯერ კიდევ დოსტოევსკი აფრთხილებდა მკითხველს თავის რომანში „ძმები კარამაზოვები“: „თუ ღმერთი არ არსებობს, მაშასადამე ყველაფერი ნებადართულია“.<sup>1</sup> დღევანდელი გლობალური ტერორი პირიქით ქადაგებს: თუ ღმერთი არსებობს, ყველაფერი ნებადართულია, მათ შორის, ასეულობით უდანაშაულო, შემთხვევითი გამვლელის აფეთქება, რომელიც „ცუდ ადგილას მოხვდა მისთვის ცუდ დროს“. ყველაფერი ნებადართულია უშუალოდ ღმერთის სახელით მოქმედი პირისთვის, ვისაც მისი უზენაესი ნების აღმასრულებელ ინსტრუმენტად მიაჩნია თავი. ასეთი პოზიცია მკვლელს ანთავისუფლებს ყოველგვარი შეზღუდვისგან. თანამედროვე რეალობის გათვალისწინებით, მართებულია სტივენ ვაინრაიხის მოსაზრება: რელიგიის გარეშე კარგი ადამიანები კარგ საქმეებს ჩაიდენენ, ცუდი ადამიანები კი ცუდს და მხოლოდ რელიგიას შეუძლია შეაგულიანოს კარგი ადამიანი ცუდი საქმის ჩასადენად.<sup>2</sup>

ინდოეთისგან პაკისტანის გამოყოფის დროს მილიონზე მეტი ადამიანი დაიღუპა რელიგიურ ნიადაგზე. ამას მოყვა სამი ოფიციალური ომი. ფაქტობრივად, ინდოეთ-პაკისტანის საზღვარზე არასოდეს შეწყვეტილა სისხლისღვრა. ამჟამად საუბარია ერთმანეთის გაქლეტაზე ბირთვული იარაღის გამოყენებით. დავის საბაბია ფრიალ უცნაური „ფაქტები“. თანაც, ადამიანები მზად არიან სიცოცხლე დათმონ ისეთ დებულებათა ერთგულებისათვის,

რომელთა დამტკიცება შეუძლებელია. ზოგი ფიქრობს, რომ შუღლის მიზეზია ქაშმირის ტერიტორია. სინამდვილეში, ინდოეთი და პაკისტანი ერთმანეთს ისლამისა და ინდუიზმის შეუთავსებლობის გამო მტრობენ.<sup>3</sup>

დღეს ისლამურ სამყაროს განვითარების ორი ძირითადი მიმართულებიდან შეუძლია აირჩიოს ერთ-ერთი: ხომეინის<sup>4</sup> გზა, ან ათათურქის<sup>5</sup> გზა. ისლამისტი ფუნდამენტალისტები ხელისუფლების სათავეში მოვიდნენ ირანსა და სუდანში; გარდამავალი წარმატებით იბრძვიან ავღანეთში, სადაც თაღიბები დაბრუნდნენ მთავრობაში 2021 წლის აგვისტოში. პროდასავლური მიზანსწრაფვა თანამედროვე თურქეთს პოლიტიკურ წონას მატებს და გზას უკვალავს როგორც ევროპული ოჯახის, ასევე, მსოფლიოს ლიდერ სახელმწიფოთა ვიწრო წრისკენ. ამავე დროს, ეს პროგრესი ერდოღანის ქვეყანას სულ უფრო მეტად აახლოებს ისტორიულ წარსულთან.

ისლამური ფუნდამენტალიზმის სავარაუდო მოტივად ხშირად ასახელებენ დასავლეთის მიერ მუსლიმთა შევიწროებას, მაგრამ ამის მიზეზი ისლამური ქვეყნების საზოგადოებათა ნება უფროა. როდესაც მეფე აბდალამ წინადადება წამოაყენა, რომ საუდის არაბეთში ქალებს ავტომანქანის ტარების უფლება მისცემოდათ, მისმა ქვეშევრდომებმა სასტიკად გააპროტესტეს და მეფეს უკანდახვეა აიძულეს. ამერიკელი ფილოსოფოსისა და რელიგიათმცოდნე სემ ჰარისის აზრით, „დღეს ჩვენსა და ისლამური გაუგებრობის აზვირთებულ ზღვას შორის მხოლოდ ერთი წინაღობაა – ტირანია და ადამიანის უფლებების დარღვევა“.<sup>6</sup>

თითოეულ საზოგადოებას ზნეობრივ ფასეულობათა საკუთარი ნაკრები აქვს. არჩევანი მრავალ ფაქტორზეა დამოკიდებული: პოლიტიკური და ეკონომიკური სტაბილურობა, განათლება, სოციალური თანასწორობის დონე. ადამიანი ყოველთვის გამოძებნის საბაბს, სხვის მიმართ თავისი ცუდი ქცევა რომ გაამართლოს. ზნეობა განვითარების პროპორციულად მატულობს. სემ ჰარისი გვთავაზობს, წარმოვიდგინოთ 1862 წლის ნიუ-იორკი,<sup>7</sup> სადაც

ბანდებს შორის გარჩევები პირდაპირ ქუჩებში იმართებოდა. თანამედროვე გადმოსახედიდან, ასეთი ქალაქი ბარბაროსულ დასახლებად აღიქმება.<sup>8</sup> ჰარისს მიაჩნია, რომ ფუნდამენტალისტთა კონსტრუქციულ დიალოგზე დათანხმება ძნელია ისლამის სამოქალაქო საზოგადოებასთან არათავსებადობის გამო. ამერიკელი ფილოსოფოსის აზრით, ვიდრე მუსლიმები თავიანთი რწმენისგან კეთილგანწყობილ იდეოლოგიას არ შექმნიან, ან სანამ საერთოდ უარს არ იტყვიან მასზე, ისლამი არ შეწყვეტს სხვადასხვა ფორმით წარმოებულ მუდმივ ომს დასავლეთთან.<sup>9</sup>

ისლამური ტერორისტული დაჯგუფებები და ფუნდამენტალისტები უარყოფენ იმ პოლიტიკურ, კულტურულ თუ ეკონომიკურ ფასეულობებს, რაც დაკავშირებულია გლობალიზაციასა და მის მთავარ მამოძრავებელ ძალასთან – ამერიკის შეერთებულ შტატებთან. ამავე დროს, ისლამის მიმდევარ ფუნდამენტალისტთა მნიშვნელოვანი ნაწილი ტერორისტულ ბუნებას არ ავლენს. უფრო მეტიც, ზოგიერთი თავგადაკლული და ორგანიზებული დაჯგუფება, მათ შორის, ჰამასი<sup>10</sup> და ჰეზბოლა<sup>11</sup> რადიკალურად ფუნდამენტალისტური არცაა, ამერიკელი სემ ჰარისის აზრით.<sup>12</sup>

ჰარისი აღნიშნავს, რომ XXI საუკუნის დასაწყისისთვის ყველა არაბული ქვეყნის ერთობლივი შიდა პროდუქტის რაოდენობა გაცილებით დაბალია, ვიდრე ესპანეთის შიდა პროდუქტი. მსგავსი სიტუაციაა კულტურულ სფეროშიც. ჩამორჩენილობა და იზოლაცია, რაც განაპირობებს ცუდ პოლიტიკურ შედეგს, გამოწვეული არაა მუსლიმთა გაუნათლებლობითა თუ სიღატაკით. ტერორისტული იდეებისა და ქმედებების წყარო განათლებულ მუსლიმთა ფენიდან მოდის. ჰამასის ყველა ხელმძღვანელს კოლეჯი აქვს დამთავრებული, ზოგიერთს მაგისტრის ხარისხიც კი გააჩნია. როდესაც არაბული სამყაროს სავალალო ჩამორჩენილობას ხედავენ, განათლებულ მუსლიმებს ისლამის უპირატესობისადმი რწმენა უძლიერდებათ.<sup>13</sup> ყოველი მუსლიმის ცხოვრების სტანდარტი რომ

ამერიკის საშუალო კლასისას შეესაბამებოდეს, ეს აშკარად გაამწვავებდა არსებულ პრობლემას.

2001 წლის 11 სექტემბრის ტერაქტის შეფასებისას, მუსლიმი თემის წარმომადგენლები, ძირითადად, ორგანო მტკიცებულებას იყენებენ:

- ტერორისტები, სინამდვილეში, ებრაელები იყვნენ;
- ეს ტერაქტი აშშ-ის დაზვერვის ცენტრალური სამმართველოს (CIA) მიერ იყო ორგანიზებული.

ამერიკაში დატრიალებული სისხლიანი ტრაგედიის მიზეზთა ძიებისას, სემ ჰარისი კითხვებს სვამს და თავადვე პასუხობს:

- მდიდარი უსამა ბინ ლადენი რატომ შევიდა გამოქვამულში, სადაც თვალითუნახავი, მისთვის უცხო ადამიანების დახოცვა დაგეგმა?

პასუხი ცხადია: იმიტომ, რომ მას საკუთარი ქმედების სისწორე ღრმად სწამდა.

- რატომ თქვა უარი ნორმალურ ცხოვრებაზე 19-მა განათლებულმა არაბმა და ათასობით ადამიანის მკვლელობა გადაწყვიტა?

პასუხი აქაც დღესავით ნათელია: რადგან სიკვდილის შემდეგ სამოთხეში მოხვედრის სწამდათ.<sup>14</sup>

როდესაც რიგითი მუსლიმი მზადაა, ცოცხალი ბომბი გახდეს, მხოლოდ ჯიჰადისა<sup>15</sup> და წამებულისთვის გამზადებული იმქვეყნიური ჯილდოს გათვალისწინებითაა შესაძლებელი თვითმკვლეელი ტერორისტის ქცევის ახსნა.<sup>16</sup>

სემ ჰარისი რადიკალიზმისა და ფუნდამენტალიზმის დამანგრეველ გავლენას აანალიზებს განსხვავებული რწმენის მქონე ინდივიდთა შემთხვევაში: „ზოგჯერ რწმენა ადამიანს ისეთ მდგომარეობაში აყენებს, მისი გადარწმუნება შეუძლებელი ხდება... განა რაიმე განსხვავება არსებობს ორ ადამიანს შორის, რომელთაგან ერთს სწამს, რომ რამდენიმე ებრაელის მოკვლისათვის სამოთხეში მოხვედრა და საჩუქრად სამოცდაათი ქალწული

ერგება, ხოლო მეორეს სჯერა, რომ ალფა-კენტავრის<sup>17</sup> ბინადარი მას მშვიდობის სხივებს უგზავნის იმ ელექტროფენიდან, რომლითაც თმას იშრობს?“<sup>18</sup> გამოსავლის ძიებას, სემ ჰარისი შეძლევი სახის დასკვნამდე მიჰყავს: „ისლამი და დასავლეთი მშვიდობიან თანაარსებობას მხოლოდ მაშინ შეძლებს, როდესაც მუსლიმთა უმრავლესობა ყურადღებას აღარ მიაქცევს საკუთარი რელიგიის დოგმებს, როგორც ეს ქრისტიანთა უმრავლესობამ მოახერხა“.<sup>19</sup>

სემ ჰარისის თვალსაზრისს იზიარებდა პალესტინელი ამერიკელი პროფესორი ედვარდ საიდი (1935-2003), რომელსაც ალ-კაიდას წევრთა უმრავლესობა „უგუნურ ფანატიკოსად“ მიაჩნდა ისევე, როგორც იაპონური სექტის „აუმ სინრიკოს“<sup>20</sup> მიმდევრები ანდა ამერიკული „სახალხო ტაძრის“<sup>21</sup> მრევლი.<sup>22</sup>

იტალიელ ჟურნალისტს, ორიანა ფალაჩის<sup>23</sup> (1929-2006) ტერორის წინააღმდეგ ომი არა „ცივილიზაციათა შეჯახებად“, არამედ ცივილიზაციასა და ბარბაროსობას შორის დაპირისპირებად მიაჩნდა. იგი რელიგიას თვლიდა მტრად და არ ეთანხმებოდა მოსაზრებას, რომ მხოლოდ ისლამის პოლიტიკურად გამოყენება უნდა აღქმულიყო მტრობად. იტალიელი ჟურნალისტი ამტკიცებდა, ევროპამ უკვე გამოაცხადა სულიერი კაპიტულაცია და თავს ისლამის პროვინციად აღიარებსო. ამის დასტურად ფალაჩის ტოლერანტობის ასიმეტრიულობა მოჰყავდა: ევროპა განუწყვეტილად იხდის ბოდიშს, მხარს უჭერს ახალი მეჩეთების მშენებლობას საკუთარ ტერიტორიაზე, არამუსლიმებს მოუწოდებს ისლამის მიმდევრების პატივისცემისკენ და ა.შ. ამ დროს, თუ მუსლიმი ადამიანი გაქრისტიანდება, მას სიკვდილით დასჯიან ზოგიერთ ისლამურ ქვეყანაში.<sup>24</sup> ამ ყველაფერს იტალიელი ჟურნალისტი ევროპის მიერ კულტურული და პოლიტიკური თვითმყოფადობის დაუცველობის გამოვლინებად თვლიდა.

ორიანა ფალაჩი, რომელმაც მულტიკულტურული ტოლერანტობის უარყოფითი ტენდენცია წარმოაჩინა, ათეისტი იყო და არა – ორთოდოქსი ქრისტიანი. არასწო-

რი იქნება მის ნაწერებში რასიზმის ძებნა. ფართო აუდიტორიისთვის იგივე რეალობის ჩვენებას ცდილობდა ფრანგი ფილოსოფოსი და საზოგადო მოღვაწე, ალენ ფინკელკრაუტი<sup>25</sup> ფრანგულ ქალაქებში 2006 წლის მდეღვარებათა თაობაზე კომენტარის გაკეთებისას: „თუ არაბი ცეცხლს წაუკიდებს სკოლას, ეს აჯანყებაა. თუ ამას თეთრკანიანი გააკეთებს, ფაშიზმია... რასიზმთან ბრძოლის კეთილშობილური იდეა ასე ნაბიჯ-ნაბიჯ გარდაიქმნება ცრუ იდეოლოგიად. XX საუკუნეში ძალადობის წყაროს წარმოადგენდა კომუნიზმი, ხოლო XXI საუკუნეში იგი ჩანაცვლა ანტირასიზმმა“.<sup>26</sup>

ჟიჟუკის, ჰარისის, ფალაჩისა თუ ფინკელკრაუტის არგუმენტები ბოლომდე დამაჯერებლად ვერ ჟღერს. რელიგიური თვითშეგნების გაძლიერება არ შეიძლება ერთმნიშვნელოვნად აღიქმებოდეს მზარდი კონფლიქტურობის წყაროდ თანამედროვე მსოფლიოში. ვფიქრობ, რელიგიური ფუნდამენტალიზმის პრობლემა გარკვეულწილად გაზვიადებულია დასავლეთში. სინამდვილეში, ისლამური ფუნდამენტალიზმის ფენომენი ისლამის აღორძინების დასტურად ვერ ჩაითვლება. საქმე ისაა, რომ მუსლიმური კულტურის ვერცერთმა ქვეყანამ ვერ მოიპოვა ისეთი ეკონომიკური თუ პოლიტიკური წარმატება, რისი იმედიც ჰქონდა და ვერ გახდა დასავლეთის სერიოზული კონკურენტი.

სეკულარული<sup>27</sup> პანარაბული სახელმწიფოს იდეა 1967 წელს დაიმსხვრა არაბთათვის დამამცირებელი ექვსდღიანი ომის<sup>28</sup> გამო. შაჰ რეზა ფეჰლევის „თეთრი რევოლუციით“<sup>29</sup> წამოწყებული პროდასავლური გზა საპირისპირო მიმართულებით განაგრძო ქვეყანამ ირანის 1978-1979წ.წ. რევოლუციის შემდეგ. ისლამური საზოგადოების ღირსება შებღალა ორმაგმა წარუმატებლობამ: ვერც ტრადიციული საზოგადოების შენარჩუნება მოხერხდა და ვერც დასავლური ტექნიკისა და ფასეულობების წარმატებით ათვისება. გაჩნდა ნოსტალგიური მისწრაფება, აღედგინათ ძველი, „უფრო წმინდა“ ფასეულობები, რომლებიც,

როგორც თელიდნენ, შორეულ წარსულში უკვე არსებობდა. ასე გაძლიერდა ფუნდამენტალიზმი.

ისლამური სამყარო მსოფლიო რუკის ერთ-ერთ ყველაზე მოუსვენარ რეგიონს წარმოადგენს. მიმდევრების რაოდენობით, ისლამი მეორე რელიგიაა მსოფლიოში და დედამიწის მოსახლეობის მეხუთედს შეადგენს (1.3 მლრდ ადამიანი). აქედან 20% მუსლიმი არაბია, დანარჩენები კი სამხრეთ, ცენტრალურ და სამხრეთ-აღმოსავლეთ აზიის ქვეყნებში ცხოვრობენ. სწრაფად იზრდება მუსლიმთა თემები აშშ-ში (5.7 მლნ), საფრანგეთში (3 მლნ), გერმანიასა (3 მლნ) და დიდ ბრიტანეთში (1.5 მლნ). ისლამური სამყარო ფლობს ნავთობისა და გაზის კოლოსალურ საბადოებს, რის გამოც აღნიშნულ ტერიტორიაზე მსოფლიო კაპიტალის ინტენსიური ტრანსფერი მიმდინარეობს.

გარეგნული მონოლითურობის მიუხედავად, თავისი არაერთგვაროვნებისა და მრავალფეროვნების გამო ვერ შექმნა მუსულმანურმა სამყარომ ხელისუფლების ერთიანი ცენტრი. თუმცა, დღევანდელ საგარეო პოლიტიკაში მრავალი ისლამური სახელმწიფო ცდილობს რელიგიური მოტივების გააქტიურებას. სხვადასხვა პერიოდში არაერთი რელიგიური რადიკალური ორგანიზაცია აღმოცენდა პაკისტანში, ავღანეთში, ბოსნიასა და ქაშმირში.<sup>30</sup> მათი დაფინანსების წყარო მრავალგვარია:

- საქველმოქმედო და რელიგიური ორგანიზაციები;
- მდიდარი არაბული ქვეყნები;
- საერთაშორისო ისლამური უნივერსიტეტი<sup>31</sup> ისლამაბადში (პაკისტანი);
- ალ-აჰჰარის უნივერსიტეტი<sup>32</sup> კაიროში (ეგვიპტე);
- ლტოლვილთა ცენტრი „ალ-ქიფაჰი“<sup>33</sup> ნიუ-იორკში (აშშ) და ა.შ.

XX საუკუნეში არაერთი ექსტრემისტული ორგანიზაცია<sup>34</sup> წარმოიშვა მუსულმანურ ქვეყნებში:

- ჯიჰადის მსოფლიო ფრონტი;<sup>35</sup>
- ისლამური თანამშრომლობის ორგანიზაცია;<sup>36</sup>
- ისლამის სახალხო კონფერენცია;<sup>37</sup>

- ისლამური ლეგიონი.<sup>38</sup>

ორგანიზაციები იქმნებიან, უქმდებიან, გადაჯგუფდებიან და მათი დამფინანსებლებიც პერიოდულად იცვლებიან. უცვლელია ასეთი ინსტიტუციების მიზნები, ფუნქციონირება და სტრუქტურა. მათი გააქტიურებაც ასევე დროებითია.

საყურადღებო ფაქტია, რომ ახლო და შუა აღმოსავლეთის ქვეყნების უმრავლესობაში განსაკუთრებული გავლენით სარგებლობენ არა რელიგიური ფუნდამენტალისტები, არამედ საერო ეკონომიკური და პოლიტიკური გაერთიანებები:

1. ოპეკი;<sup>39</sup>
2. არაბული თანამშრომლობის საბჭო;<sup>40</sup>
3. სპარსეთის ყურის არაბულ სახელმწიფოთა საბჭო;<sup>41</sup>
4. არაბული მალრიბის კავშირი.<sup>42</sup>

პრაქტიკულად, ერთადერთი მუსლიმური ორგანიზაცია, რომელიც სახელმწიფო დონეზე მოქმედებს, ისლამური კონფერენციის ორგანიზაციაა, მაგრამ მისი წევრობა არ გულისხმობს მონაწილე ქვეყნის საშინაო პოლიტიკაში ისლამის დანერგვას ანდა შარიათის შემოღების ვალდებულებას.

ცხადია, არსებობენ რადიკალურად განწყობილი სახელმწიფოებიც. ამერიკელების მიერ განსაზღვრული ე.წ. „ბოროტების დერძი“ ხუთ ისლამურ ქვეყანას მოიცავს: ირანი, ერაყი, სირია, ლიბია და სუდანი. არსებული სიტუაციის ასე გადაჭარბებით შეფასება პრობლემის გაზვიადება მგონია და გამოწვეული უნდა იყოს დასავლელი ადამიანის ყოველდღიურ მესხიერებაში ისლამის შესახებ მყარად ჩანერგილი სტერეოტიპებით. ასეთი წინასწარი ნეგატიური განწყობა იწვევს მუსლიმებისადმი, როგორც ტერორისტებისა და ფანატიკოსებისადმი, შიშსა და უნდობლობას.

აუცილებელია მუსლიმთა მოტივაციის გააზრება და სწორად აღქმა. მათი გაგების პროცესში ყველაზე დიდ საფრთხეს წარმოადგენს ნაციონალიზმი. ევროპელთათვის

ნაციონალიზმისა<sup>43</sup> და ქსენოფობიის<sup>44</sup> ჭეშმარიტი ალტერნატივა იქნებოდა არა ქსენოფილია<sup>45</sup> ანუ უსაზღვრო სიყვარული განუზრუნველად ყველა უცხოელისადმი, არამედ ქსენოლოგია,<sup>46</sup> რომელიც თანაგრძნობით ეკიდება უცხო-ტომელთა პრობლემებს. ქსენოლოგიის დახმარებით შეიძლება იმის დანახვა, რომ არაბულ და, მთლიანად, ისლამურ სამყაროში სადამ ჰუსეინის დიქტატორული ქმედებები სხვაგვარად აღიქმებოდა, ვიდრე დასავლეთში.

აღმოსავლეთში სადამ ჰუსეინის საქციელში დიდ ცოდვებს ნაკლებად ხედავდნენ. არაბი რადიკალებისათვის ერაყის ქუვეითზე თავდასხმაც კი ნავთობის მარაგის სამართლიან, სოციალურ გადანაწილებას წარმოადგენდა. არაბები ქუვეითს თვლიდნენ დასავლეთის ნაკრძალად აღმოსავლეთში, ხოლო ერაყის ლიდერი მათ თვალში განასახიერებდა ისეთ მოღვაწეს, ვინც არაბებისა და ისლამისთვის ძველი დიდების დაბრუნებას ცდილობდა. ამიტომაც გამოიწვია ერაყის ოკუპაციამ ანტიამერიკანიზმისა და არაბული სოლიდარობის გაძლიერება რეგიონში. 2001 წლის მიწურულს უსამა ბინ ლადენს ნდობას უცხადებდა გამოკითხულ პალესტინელთა 71%, პაკისტანელების 65% და იორდანელების 55%.<sup>47</sup>

აშშ-ის ადმინისტრაცია იმაშიც შეცდა, 2003 წლის გაზაფხულზე ერაყის ოკუპაციას სადამ ჰუსეინის რეჟიმი ისე რომ დაამხო, მსოფლიო თანამეგობრობა არ დაურწმუნებია, ერაყს თუ ჰქონდა ბირთვული იარაღი. ამ ომის საბაბს ხომ ერაყის მიერ ბირთვული იარაღის ფლობა წარმოადგენდა. თქმა არ უნდა, სადამ ჰუსეინი თანამედროვეობის ერთ-ერთი სასტიკი ტირანი იყო, რომელიც შეუბრალებლად ანადგურებდა პოლიტიკურ მოწინააღმდეგეებს, მომწამლავი გაზის გამოყენებით სპობდა ქურთების სოფლებს და ნამდვილი ჯალათივით იქცეოდა. ოღონდ, ისიც გასათვალისწინებელია, რომ აღმოსავლეთში მსგავს ქმედებებს სულ სხვა კუთხით აღიქვამენ, ვიდრე დასავლეთში. აშშ-ის ადმინისტრაცია მუსლიმთა ფლოგიკას უნდა ჩასწვდომოდა, სანამ ძალისმიერ ქმედებას განახორციელებდა სხვის ქვეყანაში.

2011 წელს „არაბულმა გაზაფხულმა“ რადიკალური ცვლილებები მოიტანა ისლამურ სამყაროში, რაც აშშ-ის კიდევ ერთი უპატიებელი პოლიტიკური შეცდომა აღმოჩნდა. მუსულმანური საზოგადოების უჩვეულო გააქტიურება და პოლიტიზირება ევკვიპტეში დაიწყო ჰოსნი მუბარაქის<sup>48</sup> (1928-2020) პრეზიდენტობისას და სხვა რამდენიმე ისლამურ სახელმწიფოშიც გავრცელდა. ობამას ადმინისტრაციის მიერ წაქეზებულ ადგილობრივ დაჯგუფებათა აგრესია, რომელსაც ხალხის დიდი ნაწილი ეტაპობრივად შეუერთდა, მიმართული იყო არაბულ სამყაროში არსებული ავტორიტარული რეჟიმების წინააღმდეგ. კრიტიკა ძალადობაში გადაიზარდა და მოვლენებმა სენსაციური ხასიათი მიიღო: ლიბიაში კადაფის ნახევარსაუკუნოვანი რეჟიმი დაემხო, ხანგრძლივმა სამოქალაქო ომებმა სრულიად მოშალა ერაყის ცხოვრების წესი და მიწასთან გაასწორა სირია. ერთი შეხედვით, არსაიდან ამოვარდნილმა მასშტაბური გამოსვლების გრივალებმა ერთი მეორის მიყოლებით გააქრეს ათწლეულების განმავლობაში პოლიტიკურად მყარი ავტორიტარული რეჟიმები და რამდენიმე არაბული სახელმწიფო, ფაქტობრივად, დაშლის პირას მიყვანეს.

თავიდან ისე ჩანდა, თითქოს, ესოდენ დიდი რაოდენობის, მანამდე პოლიტიკურად ინერტულმა ხალხმა საკუთარი ცხოვრების თავად წარმართვისთვის გამოიღო ხელი. ძალადობრივი პროტესტის ფორმას არასოდეს მოჰყოლია ქვეყნის აღმშენებლობა. საბოლოო ჯამში, „არაბულმა გაზაფხულმა“ ყველგან ისლამური ფუნდამენტალისტების წისქვილზე დაასხა წყალი და „შეჩვეულ ჭირზე“ მძიმე ტვირთად დააწვა ადგილობრივ მოსახლეობას. ასე შეცვალა ავტორიტარიზმის ერთი სახეობა უფრო უარესმა სახელისუფლებო ფორმამ.<sup>49</sup> „არაბული გაზაფხულის“ მაგალითმა ნათლად აჩვენა, რომ მსოფლიო პოლიტიკის სამეუღელში (პოლიტიკური დემოკრატია, ეროვნული სახელმწიფო, გლობალიზაცია) მათი გარკვეული ნაწილები არათავსებადია.

თავისუფლების კონცეფციის აღმოსავლური გააზრება აბსოლუტურად განსხვავდება დასავლურისგან, სადაც თავისუფლება გულისხმობს ადამიანის ინდივიდუალური უფლებების დაცვას სახელმწიფოსაგან. ისლამის მიხედვით, თავისუფლება ალაჰის ნებისადმი ნებაყოფლობით მორჩილებას ნიშნავს. თავისუფლების ისლამური გაგება ერთ-ერთი მიზეზია, რომლის საშუალებითაც მოახერხეს ტერორისტებმა სიკვდილი ექციათ აბსოლუტურ იარაღად, დასავლეთზე იერიშის მიტანის საშუალებად. მათ „სიკვდილით სიკვდილი“ თავისუფლების უმადლეს გამოვლინებად მიაჩნიათ. თავის ერთ-ერთ ინტერვიუში ბინ ლადენმა განაცხადა: „რას წარმოადგენს ჩვენთვის ამერიკული ბომბდამშენები! ჩვენს ადამიანებს ისეთივე დოზით სწყურიათ სიკვდილი, რა დოზითაც ამერიკელებს სიცოცხლე!“<sup>50</sup> ტერორისტთა თვითმკვლელობაში არაფერია პირადული. ეს გამირობა კი არა, საკრალური ნაბიჯია, რომელსაც იდეისთვის დგამს მუსლიმი ფუნდამენტალისტი.

სურვილის შემთხვევაში, მუსლიმებს მათი რელიგია დასავლეთისადმი სიძულვილის აუარებელ მიზეზთა გამოძებნის საშუალებას აძლევს. მაგალითად, ვერ იტანენ მატერიალიზმსა და საბაზრო ეკონომიკას, რასაც აიგივებენ შეერთებულ შტატებთან.

ამერიკელმა ნეოკონსერვატორმა პატრიკ ბიუქენენმა<sup>51</sup> ყურადღება გაამახვილა რამდენიმე მიზეზზე:

- დასავლეთში ცამდე აყავთ დემოკრატია და ადამიანის უფლებები, მაგრამ მხარს უჭერენ დიქტატორებსა და ოლიგარქებს, რომლებიც ტანჯავენ ისლამის მიმდევარ ხალხებს და იტაცებენ მათი ქვეყნების ბუნებრივ რესურსებს;
- ვაჰაბიტები<sup>52</sup> საუდის არაბეთში ამერიკელი ქალების ყოფნას შეურაცხყოფელ მკრეხელობად აღიქვამენ, თითქოს, ამერიკელებს ტადრის შეძახვები გამოეგზავნოთ საუდის არაბეთის სიმამაცვლად-კარგული მმართველების დასაცავად;

- ამერიკული ახალი „წარმართული“ კულტურა (ალკოჰოლი, ნარკოტიკები, პორნოგრაფია, უხამსი მუსიკა) რყვნის მართლმორწმუნე მუსლიმებს;
- არაბების აღშფოთებას იწვევს დასავლეთის (აშშ) ორმაგი სტანდარტები ისრაელისა და არაბების მიმართ.

ამ დროს ამერიკელები გულის იმშიდებენ ისეთი პრიმიტიული მოსაზრებით, რაც მეორეკლასელის ინტელექტისთვისაც კი შეურაცხმყოფელია: 11 სექტემბერს ამერიკელებს თავს დაესხნენ მათი სიკეთის, ან მათი სიმდიდრისა და კეთილდღეობისადმი შურის გამო.

როგორც ედვარდ საიდმა თავის მონოგრაფიაში „ორიენტალიზმი“<sup>53</sup> აჩვენა, დასავლეთში მტკიცედ დამკვიდრდა წარმოდგენა ისლამური ცივილიზაციის, როგორც „მეორადი“ ხასიათის მქონის შესახებ, რაც ყველაფერში იგრძნობა. ასეთი უადრესად უპატიებელი და მცდარი დამოკიდებულება თავის დროზე გამოხატა ფრანგმა ფილოსოფოსმა, ორიენტალისტმა, რელიგიის ისტორიკოსმა და ფილოლოგმა ჟოზეფ ერნსტ-რენანმა (1823-1892): „სემიტები თავიანთ პრიმიტიულობას ყველაფერში ავლენენ და ამის გამო, არასრულყოფილ რასად წარმოჩნდებიან. ამ რასის... ინდოევროპულ ოჯახთან კავშირი ფანქრის მონახაზის მხატვრულ ტილოსთან მსგავსების ანალოგიურია: მას აკლია მრავალფეროვნება, სისხლსავსეობა, მჩქეფარე ცხოვრება, რაც თვითგანვითარების საშუალებაა... სემიტმა ერებმა აყვავების პერიოდი მათი არსებობის საწყის ეტაპზე ისე გაიარეს, რომ ვერც კი მიაღწიეს ნამდვილ სიმწიფეს“.<sup>54</sup> ერნსტ-რენანის მსგავსად მსჯელობდნენ სხვებიც, მათ შორის: გერმანელი ისტორიკოსი ლეოპოლდ ფონ რანკე (1795-1886), შვეიცარიული წარმოშობის ბრიტანელი ახლო აღმოსავლეთისა და აფრიკის მკვლევარი იოჰან ლუდვიგ ბურკჰარდტი (1784-1817), გერმანელი ისტორიკოსი და ფილოსოფოსი ოსვალდ შპენგლერი (1880-1936)... პოლიტკორექტულობის გამო დასავლეთი

ამის თაობაზე უფრო ღიად არ საუბრობს, მაგრამ აღმოსავლეთი უთქმელადაც ყველაფერს გრძნობს.

ფუნდამენტალისტების პრობლემა ის კი არაა, რომ მათ ევროპელებზე ნაკლებად განვითარებულ ხალხად მიიჩნევენ დასავლეთში, არამედ ის, რომ აღმოსავლეთს საკუთარი ფარული კომპლექსები აწუხებს. სწორედ ამიტომ, შემწყნარებლური შინაარსის, დასავლური პოლიტიკორექტულობით აღსავსე განცხადებები (ჩვენზე ნაკლები არა ხართ) აღმოსავლურ რესენტიმენტს<sup>55</sup> აძლიერებს და გლობალურ პოლიტიკას ძაბავს.

არც დასავლეთისა და აღმოსავლეთის კულტურული სხვაობაა პრობლემა. პირიქით, დღეს კონფლიქტის მიზეზი ისაა, რომ ფუნდამენტალისტები საკმაოდ დაემსგავსნენ დასავლელ ადამიანებს. მათ შეითვისეს დასავლური სტანდარტები და საკუთარ თავს დასავლური სტერეოტიპული მზერით, კრიტიკულად აფასებენ. იქნებ, პარადოქსულად ჟღერს, მაგრამ ფუნდამენტალისტებს აკლიათ საკუთარი უპირატესობის ჭეშმარიტად რასისტული თვითრწმენა.<sup>56</sup>

ის, რასაც დასავლეთში „ტერორიზმს“ უწოდებენ, ომია იმ ხალხის თვალში, ვისაც არ გააჩნია ბირთვული იარაღი და არ ჰყავს სატანკო დივიზიები. ასეთ „ომს“ აწარმოებდნენ თალიბები, კოლუმბიელი მემამოხეები, პალესტინელი არაბები, ამერიკის ერაყელი მტრები. ამ „ომს“ დასასრული არ უჩანს და კარგა ხანს არც ექნება, თუ 2021 წლის აგვისტოს ავღანური პერიპეტციებით ვიხელმძღვანელებთ.<sup>57</sup> შესაძლოა, ერთ დღეს სემუელ ჰანტინგტონის პესიმისტური პროგნოზი „ცივილიზაციათა შეჯახების“<sup>58</sup> თაობაზე მისაღებიც კი აღმოჩნდეს.

დასავლეთის მიერ აღმოსავლეთის სწორად აღქმა უმნიშვნელოვანესია არაერთი მიზეზის გამო. 11 სექტემბრის ტრაგედიის შემდეგ ანტიარაბული ისტერიის კიდევ უფრო მეტად გამძაფრებას ურთიერთზიზღის ისეთი ესკალაციის გამოწვევა შეეძლო, რომ კვაზიომი<sup>59</sup> დიდ სამხედრო შეტაკებაში გადაზრდილიყო. ამის ალბათობა საკმაოდ რეალისტური ჩანდა. 2001 წლის ტერაქტის მიზანი

არა პოლიტიკური, არამედ სიმბოლური (არქიტექტურული სიმბოლოს მოსპობა და სამხედრო ძლიერების სიმბოლოს განადგურება) იყო; მაგრამ სიცოცხლის მასობრივი მოსპობის (3 ათასი დაღუპული) გამო, იმ კრიტიკული ზღურბლის გადალახვა მოხდა, რომლის შემდეგ თვით დაუჯერებლის წარმოდგენაც შესაძლებელია, მაგალითად, ბირთვული იარაღის გამოყენება რომელიმე დაჯგუფების მიერ.<sup>60</sup>

11 სექტემბრის ტერაქტმა დამატებითი, კიდევ ერთი მტკივნეული პრობლემა წარმოშვა ავღანეთის სახით. ჯერ კიდევ 1996 წლის 3 აპრილს ქალაქ ყანდაარში თალიბების სულიერი ლიდერი, რომლის სახელსაც მუსლიმების მკაცრი წესების მიხედვით, ოფიციალურად არც ახსენებდნენ, მოლა ომარი<sup>61</sup> (1960-2013) გამოცხადდა ავღანელი თალიბების ბელადად და ქვეყნის საერო მმართველად. ნახევარ წელიწადში მან ქაბული აიღო და ავღანეთის ისლამური საემირო შექმნა, რომელსაც ულემები<sup>62</sup> მართავდნენ. ულემთა დახმარებით, თალიბებმა ტოტალიტარული სახელმწიფო ჩამოაყალიბეს ავღანეთის ტერიტორიაზე, სადაც თავშესაფარი მისცეს 11 სექტემბრის ტერაქტის ორგანიზატორს, ბინ ლადენს.

ავღანეთში აშშ-ისა და მისი ნატოელი მოკავშირეების სამხედრო ოპერაცია დაიწყო თალიბების წინააღმდეგ და აღ-კაიდას ლიდერის დასაჭერად. ქაბულის ხელმძღვანელობა სრულ იზოლაციაში აღმოჩნდა და ამერიკამ ადვილად მიაღწია წარმატებას ადგილობრივ „ჩრდილოეთის ალიანსთან“ ერთად. 2001 წლის 6 დეკემბერს დაეცა ყანდაარი – თალიბების უკანასკნელი დასაყრდენი ქვეყნის სამხრეთში. იმავე წლის 22 დეკემბერს ავღანეთის ხელისუფლების სათავეში მოვიდა დასავლეთისადმი ლოიალურად განწყობილი პრეზიდენტი ჰამიდ ქარზაი. დასავლეთმა ავღანეთში დატოვა შეზღუდული რაოდენობის სამხედრო კონტინგენტი მანამ, სანამ აშშ-ის 46-ე პრეზიდენტმა, ჯო ბაიდენმა არ განახორციელა დასავლელი სამხედროების სრულიად აბსურდული გამოყვანა ავღანეთიდან. ადამიანური დანაკარგის ფასად, ოცწლიანი მცდელობის შე-

დეგად სანახევროდ მიღწეული წარმატება ბაიდენის ადმინისტრაციამ წყალს გაატანა „ხელის ერთი მსუბუქი მოსმით“.

ქსენოლოგია არ უნდა წავიდეს თავისი ინტერესები-სა და ამოცანებისგან ერთობ შორს. ყველა უნდა ზრუნავდეს საკუთარ უსაფრთხოებაზე. ოღონდ, შესაძლო შემწუნარებლობის, შესაძლო დათმობის მიჯნათა განსაზღვრაში აუცილებელია პოლიტიკურ შესაძლებლობათა გონივრული მაქსიმუმის წინასწარ სწორად განსაზღვრა. არაბულ სამყაროში ამერიკული ძალადობითა და პროპაგანდისტულ-მილიტარისტული ზემოქმედებით რამე სასიკეთო შედეგის მიღწევა აბსოლუტურად შეუძლებელია. ამას უახლესი ისტორიის გაკვეთილები ამტკიცებს.

პატრიკ ბიუქენენი წერს, რომ ბევრ ადამიანს აცბუნებს იმ ძალისხმევათა უთანასწორობა, რომელსაც თითოეული მხარე განახორციელებს, დათმობის თვალსაზრისით. დასავლეთი მოითხოვს ყველა რელიგიური რწმენის თანასწორუფლებიანობას, მაგრამ ისლამი უარზეა, რადგან ყურანის თანახმად, მხოლოდ ერთი ჭეშმარიტი რწმენა არსებობს.

აუცილებლად გასათვალისწინებელია დისბალანსი მხარეებს შორის: დასავლეთი მხოლოდ ოდნავ მომგებიან მდგომარეობაშია. თუ ცივილიზაციებს შორის შეჯახება გარდუვალი გახდება, დასავლეთს თავისი შეიარაღებისა და სიმდიდრის გამო, გარკვეული უპირატესობის იმედი ექნება. არ უნდა დაავიწყდეს აშშ-ს, რომ სიმდიდრემ ვერ დაიცვა კრახისგან ევროპული იმპერიები წარსულში, ხოლო იარაღით გამოტყენილი საბჭოთა კავშირი სამხედრო ძლიერებამ ვერ იხსნა კოლაფსისგან, რომლის გამოძახილი დღემდე გრძელდება. მსოფლიოს უძლიერესი და უდიდესი რომის იმპერია დამარცხდა ფიზიკურად დაუცველი და სუსტი ქრისტიანების წინააღმდეგ ბრძოლაში. აშშ-ის სამი პრეზიდენტის (რიჩარდ ნიქსონი, ჯერალდ ფორდი, რონალდ რეიგანი) სპეციალური კონსულტანტი, პოლიტიკური კომენტატორი პატრიკ ბიუქენენი აბსოლუტურად

მართალია, როდესაც ჭეშმარიტ მტრად მიაჩნია იდეა, პრინციპები, იდეოლოგია.<sup>63</sup>

## ლიტერატურა □ References

1. Достоевский Ф. М. (1991). *Братья Карамазовы*. Л.: изд-во «Наука» [ilibrary.ru/text/1199/index.html].
2. Жижек С. (2010). *О насиллии*. М., стр. 96.
3. Жижек С. Указ. соч., М., стр. 108.
4. Nadare, Maia (2020). *The Media Mill: Political Communication*. Tbilisi: Publishing House Universal. Ruhollah Khomeini, p. 331 (In Georgian).
5. მუსტაფა კემალ ათათურქი (თურქ. Mustafa Kemal Atatürk, 1881-1938) – თურქი ფერდღ-მარშალი, თურქეთის რესპუბლიკის დამფუძნებელი მამა და მისი პირველი პრეზიდენტი 1923-1938 წლებში [Itzkowitz, Norman (2022, January 1). Kemal Atatürk. *Encyclopedia Britannica* (britannica.com/biography/Kemal-Ataturk)].
6. Харрис С. (2011). *Конец веры. Религия, террор и будущее разума*. М., стр. 40.
7. *Gangs of New York*. Directed by Martin Scorsese, Miramax Films, 2002.
8. Ефимов И. (2008). *Грядущий Аттила. Прошлое, настоящее и будущее международного терроризма*. М., стр. 242.
9. Харрис С. Указ. соч., стр. 203.
10. ჰამასი (არაბ. „ისლამური წინააღმდეგობის მოძრაობა“, ინგლ. Hamas) – პალესტინელი ნაციონალისტი სუნიტების ფუნდამენტალისტურ-მილიტარისტური ორგანიზაცია. დაარსდა 1987 წლის 10 დეკემბერს [hamas.ps/en].
11. ჰეზბოლა (არაბ. „ალაჰის პარტია“, ინგლ. Hezbollah) – ლიბანის შიიტური პოლიტიკური პარტია და სამხედრო დაჯგუფება. ოფიციალურად დაარსდა 1985 წელს [moqawama.org].
12. Харрис С. Указ. соч., стр. 230, 233.
13. Харрис С. Указ. соч., стр. 239.
14. Шапиро Р. (2009). *Прогноз на будущее*. М., стр. 49.
15. ჯიჰადი (არაბ. jihād „სწრაფვა, ბრძოლა“) – ბრძოლა სიკეთის საკეთებლად, საკუთარი თავისა და საზოგადოებისგან უსამართლობის, ჩაგვრისა და ბოროტების მოშორების მიზნით. ჯიჰადი შეიძლება იყოს სულიერი, სოციალური, ეკონომიკური ანდა პოლიტიკური ბრძოლა [islamexplored.org/what-is-jihad].
16. Харрис С. Указ. соч., стр. 203-204.
17. ალფა-კენტავრი (ინგლ. Alpha Centauri) – ყველაზე კაშკაშა ვარსკვლავი კენტავრის სამხრეთ თანავარსკვლავედში. მდებარეობს დედამიწიდან ოთხი სინათლის წელიწადის მანძილზე. შეუიარა-

ღებელი თვალით, სისტემაში ერთი ობიექტი ჩანს. სინამდვილეში, ალფა-კენტავრი სამმაგი ვარსკვალგური სისტემაა და ღამის ცაზე სიკაშკაშით მესამეა [nasa.gov/mission\_pages/chandra/images/alpha-centauri-a-triple-star-system-about-4-light-years-from-earth.html].

18. Харрис С. Указ. соч., стр. 43.
19. Харрис С. Указ. соч., стр. 49.
20. აშშ სინრიკიო (იაპ. Aum Shinrikyo „აუმის ჭეშმარიტების სწავლება“) – იაპონური რელიგიური სექტა, მორედმოსვლის ბუდისტური კულტი. შეიქმნა 1987 წელს. მისი დამაარსებელი სოკო ასაჰარა და სექტის კიდევ 12 წევრი (მათ შორის, 7 ხელმძღვანელი) 2018 წლის 6 ივლისს სიკვდილით დასაჯეს მასობრივი მოწამვლის ბრალდების საფუძველზე. მათ 1994 წელს ქალაქ მაცუმოტოს პრეფექტურაში ნერვული აირი, ზარინი გაუშვეს, რომელმაც შვიდი ადამიანი იმსხვერპლა, ხოლო 1995 წელს იგივე მომწამვლელი ნივთიერება ტოკიოს მეტროში გაუშვეს, რის შედეგად 13 ადამიანი დაიღუპა და 6 ათასზე მეტი მოიწამლა. დღეს სექტის მიმდევართა რაოდენობა 50 ათასს აღემატება [ვოცხვერია ვანცა (6 ივლისი, 2018), იაპონიაში სექტა „აუმ სინრიკიოს“ დამაარსებელი სიკვდილით დასაჯეს, ტელეკომპანია „პირველი არხი“ (1tv.ge/news/iaponiashi-seqta-aum-sinrikes-damaarsebeli-sikvdilit-dasajes)].
21. „სახალხი ტაძარი“ (ინგლ. The Peoples Temple of the Disciples of Christ) – ამერიკული ახალი რელიგიური ორგანიზაცია, რომელიც 1854-1978 წლებში არსებობდა. ამ სექტის დამაარსებლის, ჯიმ ჯონსის (1931-1978) ქადაგებით შეგულებულმა 909 ადამიანმა 1978 წლის 18 ნოემბერს სიცოცხლე თვითმკვლელობით დაასრულა [Melton, J. Gordon (3 July 2020), “Peoples Temple”. *Encyclopedia Britannica* (britannica.com/topic/Peoples-Temple)].
22. Харрис С. Указ. соч., стр. 81, 111.
23. Oriana Fallaci [oriana-fallaci.com].
24. Харрис С. Указ. соч., стр. 170.
25. Alain Finkielkraut [levinas.fr].
26. Харрис С. Указ. соч., стр. 199.
27. სეკულარული (ლათ. saecularis „საერო“) – რწმენა, რომლის მიხედვითაც, რელიგია არ უნდა ჩაერთოს საერო (სეკულარულ) ურთიერთობებში. სეკულარიზმი, ჩვეულებრივ, გამოიხატება რელიგიის სახელმწიფო ხელისუფლებისგან გამოყოფის სურვილში (ჰეიფუდი ენდრიუ (2004), პოლიტიკური იდეოლოგიები (შესავალი კურსი), მთარგმნელი: თამარ ბაკურაძე და სხვ., თბილისი: „ლოგოს პრესი“).
28. Britannica, The Editors of Encyclopaedia (2021, June 8). Six-Day War. *Encyclopedia Britannica* [britannica.com/event/Six-Day-War].

29. Nadare, Maia (2011). *Media and Political Image*. Tbilisi: Publishing House Universal, p. 382 (In Georgian).
30. Rosenau, William, and Sara Daly (2010, August). American Journeys to Jihad: U.S. Extremists and Foreign Conflicts During the 1980s and 1990s. *CTC Sentinel*, 3(8), 2010, pp. 17-20, Combating Terrorism Center ([ctc.westpoint.edu/american-journeys-to-jihad-u-s-extremists-and-foreign-conflicts-during-the-1980s-and-1990s](http://ctc.westpoint.edu/american-journeys-to-jihad-u-s-extremists-and-foreign-conflicts-during-the-1980s-and-1990s)).
31. სამართავმოროსო (სლამშორო) შნოშპროსოტმტო (ინგლ. International Islamic University, IIU) – სჯჯრო კელევოთო ინსტიტუტო პაკისტანის დელაქალაქ ისლამაბადში. დაარსდა 1980 წლის 11 ნოემბერს ([iiu.edu.pk](http://iiu.edu.pk)).
32. აღ-აზჰაროს შნოშპროსოტმტო (ინგლ. Al-Azhar University) – მუსლიმურ რელიგიურ და საერო უმაღლეს სასწავლებლთა და სამეცნიერო-კვლევით დაწესებულებათა კომპლექსო კაიროში (ეგვიპტე). ეგვიპტის უძველესი და მსოფლიოს მეორე უძველესი უნივერსიტეტი, რომელიც სამეცნიერო ხარისხს ანიჭებს. დაარსდა დაახლ. 970-972 წლებში, 1961 წელს მიენიჭა უნივერსიტეტის სტატუსი ([azhar.edu.eg/en](http://azhar.edu.eg/en)).
33. ლტოლპოლოთა ცენტრი „აღ-ქოშაჰო“ (ინგლ. Al Kifah Refugee Center) – საქველმოქმედო ორგანიზაცია, რომლის შტაბ-ბინაც ბრუკლინში (ნიუ-იორკი, აშშ) ფუნქციონირებდა ფარუქის მეჩეთის ბაზაზე (მისამართი: ატლანტიკ-ავენიუ 552). დაარსდა 1984 წლის მიწურულს. აშშ-ის 30-ზე მეტ ქალაქში ჰქონდა ფილიალები [Emerson, Steven (1 September 1998), “Journal of Counterterrorism and Security International”. *The Investigative Project On Terrorism* ([investigativeproject.org/186/inside-the-osama-bin-laden-investigation](http://investigativeproject.org/186/inside-the-osama-bin-laden-investigation))].
34. Wright, Robin (1995, February 7). Islam in the ‘90s: A Study of Diversity: Despite pervasive stereotypes, major Islamist groups differ widely in tactics and tenets. *The Los Angeles Times* [[latimes.com/archives/la-xpm-1995-02-07-wr-28981-story.html](http://latimes.com/archives/la-xpm-1995-02-07-wr-28981-story.html)].
35. ჯოჰადის მსოფლიო ფრონტი, აღ-კაიდა (არაბ. Qaedat al-Jihad, i.e. Al-Qaeda, ინგლ. World Islamic Front) – სუნიტი მუსულმანების მრავალეროვნული, სამხედრო, ექსტრემისტული დაჯგუფება. 1988 წელს დააარსა უსამა ბინ ლადენმა „იუდეველებთან და ჯვაროსნებთან საბრძოლველად“. დღემდე აქტიურია [[britannica.com/topic/al-Qaeda](http://britannica.com/topic/al-Qaeda)].
36. ისლამშორო თანამშრომლობის ორგანიზაცია (ინგლ. Organization of Islamic Cooperation, abbr. OIC) – დაარსდა 1969 წლის 25 სექტემბერს ქალაქ რაბათში (მაროკოს სამეფო) და 57 წევრი ქვეყნისგან შედგება ([oic-oci.org/page/?p\\_id=52&p\\_ref=26&lan=en](http://oic-oci.org/page/?p_id=52&p_ref=26&lan=en)).
37. ისლამის სახალხო კონფერენცია – დაფუძნდა 1990-იან წლებში ქალაქ ხართუმში (სუდანი). მიზნად ისახავდა იერუსალიმისა და ისრაელის მიერ ოკუპირებული არაბული მიწების განთავსებას.

- ვისუფლებას, აგრეთვე, მუსლიმურ მოძრაობათა მხარდაჭერას ბოსნიაში, კოსოვოში, ქაშმირსა და ჩეჩნეთში [Sharfi, Mohammed Hussein (2015, October–December). Sudan’s radical foreign policy agenda in the 1990s: an overview of implications. *Contemporary Arab Affairs*, 8(4), pp. 523-534, University of California Press ([jstor.org/stable/48600021](http://jstor.org/stable/48600021)).
38. ისლამური ლეგიონი, ისლამის პანაფრიკული ლეგიონი (არაბ. al-Faylaq ul-‘Islāmiyyu, ინგლ. Islamic Pan-African Legion) – პანარაბული გასამხედროებელი ორგანიზაცია. დაარსდა 1972 წელს ლიბიის ყოფილი ლიდერის, მუამარ კადაფის (1943-2011) ხელმძღვანელობით, აფინანსებდა ლიბიის მთავრობა [Islam in Gaddafi Libya ([liquisearch.com/islam\\_in\\_libya/islam\\_in\\_gaddafi\\_libya](http://liquisearch.com/islam_in_libya/islam_in_gaddafi_libya))]. არა მარტო ისლამის პროპაგანდას ეწეოდა, არამედ ეხმარებოდა კიდევ ექსტრემისტული სულისკვეთების რელიგიურ და პოლიტიკურ ორგანიზაციებს [[soldiers-of-misfortune.com/history/islamic-legion.htm](http://soldiers-of-misfortune.com/history/islamic-legion.htm)].
  39. ოპეკი (ინგლ. The Organization of the Petroleum Exporting Countries, abbr. OPEC) – დაარსდა 1960 წლის 14 სექტემბერს ([opec.org](http://opec.org)).
  40. არაბული თანამშრომლობის საბჭო (ინგლ. Arab Cooperation Council, abbr. ACC) – დაარსდა 1989 წლის 16 თებერვალს. დაიშალა 1991 წელს, რადგან მისი წევრები სხვადასხვა მხარეს აღმოჩნდნენ სპარსეთის ყურის ომის (1990-1991 წლებში) დროს ([encyclopedia.com/politics/dictionaries-thesauruses-pictures-and-press-releases/arab-cooperation-council-acc](http://encyclopedia.com/politics/dictionaries-thesauruses-pictures-and-press-releases/arab-cooperation-council-acc)).
  41. სპარსეთის ყურის არაბულ სახელმწიფოთა საბჭო (ინგლ. Gulf Cooperation Council, abbr. GCC) – არასამთავრობო ორგანიზაცია. დაარსდა 1981 წლის 25 მაისს ქალაქ აბუ-დაბიში (არაბეთის გაერთიანებული საემიროები) [[arab.org/directory/gulf-cooperation-council](http://arab.org/directory/gulf-cooperation-council)]. შტაბ-ბინა მდებარეობს ქალაქ რიადში (საუდის არაბეთი) [[gcc-sg.org/en-us/Pages/default.aspx](http://gcc-sg.org/en-us/Pages/default.aspx)].
  42. არაბული მაღარბის კავშირი, მაღრიბის კავშირი (არაბ. Ittīhād al-Maghrib al-‘Arabi, ინგლ. Arab Maghreb Union, abbr. AMU) – პოლიტიკური კავშირი და ეკონომიკური კავშირი სავაჭრო შეთანხმებით, რომელიც აერთიანებს ჩრდილოეთ აფრიკის მაღრიბულ (დასავლეთ) ქვეყნებს: ალჟირს, ლიბიას, მავრიტანიას, მაროკოსა და ტუნისს [[maghrebarabe.org/?q=en](http://maghrebarabe.org/?q=en)].
  43. ნაციონალიზმი (ინგლ. nationalism) – 1) იდეოლოგია, რომელიც ნაციის, ერის ცნებას ემყარება და გარკვეულ პოლიტიკურ თუ კულტურულ მიზნებს ისახავს. მათ შორის, უმთავრესია ეროვნული თვითგამორკვევის იდეა; 2) გრძნობა, რომლის მიხედვითაც ერი და ერი-სახელმწიფო არის უმადლესი ღირებულება და მათდამი ღლიადობა დომინანტურია ანუ ეროვნული ინტერესები უნდა იდგეს პირად, ნათესაურ, ტომობრივ, კლასობრივ, რელიგიურ თუ ზოგადსაკაცობრიო ინტერესებზე მაღლა [დავითაშვილი ზურაბ (2004), სოციალურ და პოლიტიკურ ტერმინთა ლექსიკონი].

- სიკონი-ცნობარი, სოციალურ მეცნიერებათა ცენტრი, თბილისი: „ლოგოს პრესი“ ([dictionary.css.ge/content/nationalism](http://dictionary.css.ge/content/nationalism)).
44. ქსენოფობია (ბერძნ. xenos „უცხო, უცხოელი“ + phobos „შიში“) – უცხოელებისა და ყოველივე უცხოურის სიძულელი; პათოლოგიური შიში უცხოელების ან უცხო კულტურის მიმართ (იხ.: ჰეიფუდი ენდრიუ (2004). პოლიტიკური იდეოლოგიები, თბილისი: გამომცემლობა „ლოგოს პრესი“).
  45. ქსენოფილია (ბერძნ. xenos „უცხო, უცხოელი“ + philia „სიყვარული“) – უცხოელებისა და ყოველივე უცხოურის სიყვარული (მოხელის სამაგიდო ლექსიკონი (2004). შეადგინა სამსონ ურიდიამ და სხვ., თბილისი: საჯარო მოსამსახურის ბიბლიოთეკა).
  46. ქსენოლოგია (ინგლ. xenology) – უცხო (უცხოპლანეტური) კულტურის, ბიოლოგიის და ა.შ. სამეცნიერო კვლევა, შესწავლა. ტერმინი 1950-იან წლებში გაჩნდა (Liddell, Henry George, and Robert Scott (1968). *A Greek-English Lexicon*, Ninth Edition, Oxford, England: Clarendon Press).
  47. Жижек С. (2010). *О насиллии*. М., стр. 90.
  48. Britannica, The Editors of Encyclopaedia (2022, February 21). Hosni Mubarak. *Encyclopedia Britannica* [[britannica.com/biography/Hosni-Mubarak](http://britannica.com/biography/Hosni-Mubarak)].
  49. Nadare, Maia (2020). *The Media Mill: Political Communication*. Tbilisi: Publishing House Universal, pp. 137-139, 143 (In Georgian).
  50. Osama bin Laden’s 1998 interview (2001, October 8). *The Guardian* [[theguardian.com/world/2001/oct/08/afghanistan.terrorism15](http://theguardian.com/world/2001/oct/08/afghanistan.terrorism15)].
  51. Patrick Joseph ‘Pat’ Buchanan [[buchanan.org](http://buchanan.org)].
  52. ვაჰაბიტი – ისლამის ერთ-ერთი რელიგიურ-პოლიტიკური მიმდინარეობის, ვაჰაბიზმის მიმდევარი. ვაჰაბიზმი დააარსა მუჰამედ იბნ აბდ ალ-ვაჰაბიმ (1703-1787). იგი მიზნად ისახავს მაჰმადიანობის საფუძვლებთან დაბრუნებას. გამოირჩევა უკიდურესად რეაქციული ხასიათით. ვაჰაბიტები ქადაგებენ რელიგიური სიწმინდის დაცვას, ფუფუნების უარყოფას, სიმღერის, ცეკვის, თამბაქოს მოწევის აკრძალვას, ღვინის სმისგან თავის შეკავებას. ვაჰაბიზმის უმთავრესი იდეაა ერთიანი მუსლიმურ-სუნიტური სახელმწიფოს ჩამოყალიბება (იხ.: მოხელის სამაგიდო ლექსიკონი (2004). შეადგინა სამსონ ურიდიამ და სხვ., თბილისი: საჯარო მოსამსახურის ბიბლიოთეკა).
  53. Said, Edward (1977). *Orientalism*. London, England: Penguin [[soctheory.files.wordpress.com/2012/09/said\\_edward1977\\_orientalism.pdf](http://soctheory.files.wordpress.com/2012/09/said_edward1977_orientalism.pdf)].
  54. Жижек С. Указ. соч., стр. 61.
  55. რსენტიმენტი (ფრანგ. ressentiment „გაბოროტება“) – ფილოსოფიურ-ფსიქოლოგიური ტერმინი, რომელიც გერმანელმა ფილოსოფოსმა ფრიდრიხ ნიცშემ გამოიყენა პირველად წიგნში „მოზრალის გენეოლოგია“. საკმაოდ მრავალწახნაგა კონცეფცია, რომელიც გამოხატავს ისეთი სუბიექტის გრძნობას, თავის ყვე-

- ლა წარუმატებლობის მიზეზად რომ სხვას მიიხნევს (მტრები, არაკეთილმოსურნეები, ა.შ.). რესენტიმენტი არასრულფასოვნებისა და სისუსტის აღმნიშვნელი მორალური თვისებაა.
56. Бьюкенен П. (2006). *Правые и неправые. Как неоконсерваторы заставили нас забыть о рейгановской революции и повлиять на президента Буша*. М., стр. 114, 118, 123.
  57. De Graff, Dachi (2021). George XI of Kartli and his military mission in Afghanistan. *BRAMS Journal*, 2(1/2), pp. 57, 74 (In Georgian).
  58. Huntington, Samuel P. (1996). *The Clash of Civilizations and the Remaking of World Order*. New York, NY: Simon & Schuster.
  59. კვანციანი (ინგლ. Quasi-War, ფრანგ. Quasi-guerre) – ოფიციალურად გამოუცხადებელი საზღვაო ომი აშშ-სა და საფრანგეთის პირველ რესპუბლიკას შორის 1798-1800 წლებში [Conley, Nathaniel (2015). Quasi-War. *The Encyclopedia of Greater Philadelphia*, Rutgers University ([philadelphiaencyclopedia.org/essays/quasi-war](http://philadelphiaencyclopedia.org/essays/quasi-war))]; აქ: მიხვედებით ომი.
  60. Саид Э. В. (2006). *Ориентализм. Западные концепции Востока*. СПб, стр. 234-235.
  61. Britannica, The Editors of Encyclopaedia (2022, March 28). Mohammad Omar. *Encyclopedia Britannica* [[britannica.com/biography/Mohammad-Omar](http://britannica.com/biography/Mohammad-Omar)].
  62. ულამა (არაბ. ulema ან ulama) – დღისმეტყველების მუსლიმი პედაგოგი. იგი იცავს, შეასწავლის და განმარტებებს აკეთებს ისლამის რელიგიური დოგმების, დოქტრინისა და სჯულის კანონის თაობაზე. პატივცემული და განათლებული მუსლიმის აღმნიშვნელია (In: Afsaruddin, Asma (2020, February 12). ‘ulamā’. *Encyclopedia Britannica* [[britannica.com/topic/ulama](http://britannica.com/topic/ulama)]).
  63. Жижек С. (2010). *О насилии*. М., стр. 50.
  64. Ваисс М. (2005). *Международные отношения после 1945 года*. М., стр. 318.